

Mbanjdlwzdung:

Baijyienj Vwnzva Fungsug Daegbied Mulajucz

大勒洞古寨:展示罗城仫佬族独具特色的民族民俗文化

□ Cwngbswb Yuzdai



▲ Ranz gaeuq doxlien, baenz coij.



▲ Bouxcoz guhdoih byaij luengqhongh.

◀ Gij gingj guh daeuj goepingj densigi.



▲ Roen benjrin baenz mbaek baenz yamq bu haeuj mbanj.



▲ Hekyouz haeuj mbanj cetyouz.



▲ Gij doxveh gaekdeu gwnz ciengz laj yiemhranz.



▲ Mbauqsau doiq fwen ganggoj.



▲ Gij veh gaekdeu lij yienhsag.



nde, dieg youq ndaw gyaic Lungz-dwngz Cunh Siujiangzanh Cin Yienhgagguenj Mulajucz Lozcwngz, liz yienhsingz 10 goengleix gya. Aenmbanj youq Ciuhringz satbyai Ciuhringh codauez baenz mbanj, seizneix lij louzce miz 60 lai aen ranz gaeuq, dingzlai dwg Ciuhringh satbyai guh, cungj dwg aenranz ciengzcien vaxhoemq faex dap, gwnz ciengz laj yiemhranz veh miz dozveh roxnaeuz vehdeu gyaqciq, hawj vunzraeuz ndaej yawjgonz gij dinfwngz akmaenh gaekdeu caeuq vwnzva dajcaep seizhaenx; gij ranz baenz benq baijbouh doxdep yinzrwd, louzce ndaej gig ndei, ndaw mbanj fungcingz minzcuz naekgywg, lumj-baenz dinfwngz gaekdeu faex benj, fouq doiq benjfaex gaekdeu, gij veh gwnz ciengz, lij miz coengceiz goengcoj, laeuzdou gaeuqgeq, doendou, giemxdou, roen benjrin nem aen gyanghonz iq naj ranz gaeuq, lozfeizdeih doenghigj neix, cungj daiq miz gij daegsaek ranzyouq Mulajucz, louzce gij fungcingz sohsud Mulaj-

cuz roengzdaeuj, dwg benq ranz gaeuq Mulajucz Lozcwngz seizneix louzce ndaej ceiq ndei ranz gaeuq ceiq lai ndeu, dwg faenh yizcanj vwnzva lizsij Mulajucz gig dijbauj ndeu, doiq yenzgiu vwnzva dajcaep Mulajucz gig miz yungh, doengzseiz lij dwg gizdieg swnjcienz vwnzva cietyihfan Mulajucz youqgaenj ndeu.

Seizneix, Lozcwngz cingq ciuq aen vunqsik "lenzcwngz lijyouz + eiciuq gaeuqgeq lijyouz + fungsug lijyouz + swngzdai lijyouz" bae haifat Mbanjdlwzdung, coicaenh hongsaeh lijyouz dangdieg hwngfat. Moix bi "sam nyied sam", "seq ndwengeih", "cietyihfan" daengj ngoenzciet conzdungj, vunzlai daengx mbanj cungj aeu gij fuengsik daegbied gag miz de guh gak cungj gak yiengh hozdung, lumj bae ndaw coengceiz caeqbaic mbaenj fuk, yienj heiq diuq foux ciengq go doiq fwen daengj, nauhyied hoenghwd, caemh yinx haujlai hekyouz bae yawjgonz cetyouz, angqyangz lairaeh.



◀ Aen vwnzva fuzvu cungsim ndaw mbanj.

▲ Aen dousingz guh daeuj goepingj densigi haenx.